


Ditlhoko

Dipotso tsa pele ho pale:

1. Batho ba hloka eng hore ba phele hantle?
2. Ho ngotsweng eng letlapeng?



Dumelang bana. Letsatsing lena re tlo ithuta ka ditlhoko. Re na le mofuta e mmedi ya ditlhoko. Mofuta wa pele ke ntho tseo o di hloakang hore o phele. Mofuta wa bobedi ke dintho tseo o di batlang empa di se bohlokwa; ka mantswa a mang o ka phela ntle le tsona. Mohlala: O ka phela o se na koloi, empa o ke ke wa phela o se na lehae.



Thabo o botsa Lerato ditlhoko tsa bohlokwa ke difeng. Lerato, ditlhoko tsa bohlokwa ke difeng?

Ke tseo o di dihlokang kamehla jwaloka dijo, disebediswa tsa ho hlapa Thabo.

Thabo: Oo, ke a bona jwale Lerato, tseba tseo re di ratang fela jwalo ka ho ba le selefounu ha se tsa bohlokwa. Lerato: Eya Thabo, hobane re ka phela ntle le tsona.

Thabo: Na ebe ho ya lewatele ho bohlokwa?

Lerato: Ha ho bohlokwa Thabo, hobane re ka phela ntle le ho ya lewatele.



Mamelang ke le bolelle.

Ho na le ditlhoko tseo re di hlokang kamehla hore re phele.

Tsona di bitswa 'ditlhoko tsa bophelo', Ho na le tse seng bohlokwa ke ditlhoko tsa boithabiso fela.

Ithuteng hore le seke la batla ho rekelwa dintho tse seng bohlokwa hale ile le batswadi mabenkeleng.

O kope motswadi ho o rekela buka e balwang kapa e nngwe ya disebediswa tsa ho ithuta.

O ka eletsa le batswadi ba hao hore ba reke ditlhoko tsa bohlokwapele.

Ba ka reka tseo e esng tsa bohlokwa.




Tsa hao ditlhoko ke dife?




Bonang bana ba dulang mebileng. Ba hloka mahae ao ba ka robalang ho ona. Ba bang ke dikgutsana, ha ba na bahlokamedi. Ba bang bona ke ditlokotsebe ba balehile mahae, hobane ha ba batle ho kgalemelwa. Kahoo, ho bohlokwa ho mamela batswadi, o se hane kgalemelo. Ho bohloko ho hloka lehae. Ha dipula, dirame maemo a mabe a lehodimo a le teng, ba bang ba lahlehelwa ke maphelo. Kahoo, ha re duleng malapeng a bo rona.



Ekaba moshanyana enwa o ikutlwa jwang?



Lehae ke moo re tshabelang teng. Ha motho a hlaselwa ke dira o mathela hae moo a tlang ho fumana tshireletso. Ha maemo a lehodimo a le mabe setshabelo le moo re itshireletsang ke hae. Lehae le bohlokwa. Diphoofolo le tsona di na le mahae a tsona. Lehae ke sebaka sa bohlokwa.



Sena ke sebaka sa bodulo. Batho ba patala bodulo ka kgwedi, hobane ba hirile. Dibaka tseba tseo batho ba hirang ho tsona di bolokehile.

Ho na le balesedi ba disang bosiu le motshehare.

Ha ho na leshodu le ka senyang hobane ho bile ho na le dikhamera.

Re lokela ho bolokeha re le mahaeng a rona.



Koloi ke tlhoko ya bohlokwa?



Mona ke lapeng, ha ntate Thebe. O dula ntlong e kgolo.

Ke moahisane wa mme MaThabo. Ntloeo mme Mathabo a ikahetseng yona e nyane.

Ntate Thebe ha a rate bohlaswa, o dula a hlwekisa jarete ya hae. Mme Mathabo o dula le bana ba hae ba bangata.

Re lokela ho tseba hore malapa ha a lekane ka matla.



Oka kgetha ntlo efe?



Marangrang a re phedisa
Mehleng ena re sebedisa mehala le dilaptop
ho fetisa melaetsa. Kgale kgale re ne re
sebedisa mangolo, diyalemoya le dikuranta.
Tsena tsohle di ne di sa hloke mafura ana a
bitswang Wi-Fi kapa yona datha.
Wi-Fi le datha ke tsona tse thusang ho
tsamaisa melaetsa. Ha o se na tsona ha o
kgone ho fetisa melaetsa.
Bohloko ke hore Wi-Fi le datha di theko e
phahameng. Potso ke hore na re hloka datha
kapa Wi-Fi ho phela ?



Matshwao ao a fonong a bolelang?